



Arubaanse Courant

...nja 26.

DIALUNA 27 JULI 1964

No. 5091.

OAS kier sanccion contra di Cuba

WASHINGTON, 27 Juli. - E ministernan di asunto exterior dje paisnan cu ta forma parti dje Organizacion di Estadonan Mericano, ayeranochi den un sesion publico a aproba 15 contra 4 voto sancionnan economico y diplomatico contra gobierno dje prome minister Cubano Fidel Castro.

Bolivia, cu na un reunion tene interiormente dje comision general dje conferencia tras dje pora serra no a vota, poco ten desues a escoge parti dje paisnan cu a vota contra, cu ta Mejico, Uruguay y Chili. E 4 paisnan aki te uniconan den hemisferio occidental, cu te ainda ta mantene relacionnan diplomatico cu Cuba.

E medidanan pa cual e conferencia tene riba peticion di Venezuela a dicidi, ta esnan mas severo, qu jamas a serproclama contra gobierno di Castro. E resolucion, qu ta ser considera un triunfo dje politica Mericano Minister Rusk a muestra su mes masha satisfecho qu esaki) - ta bisa, qu e gobiernonan dje estadonan Mericano no por mantene relacionnan diplomatico y consulario qu e Gobierno di Cuba.

Tambe mester stop directamente cada comercio, qu excepcion comercio riba cuminda y equipo di docter, qu lo wordu manda Cuba pa rasonnan humanitario. Tambe na cada transportacion riba laman entre republican Mericano y Cuba, qu excepcion loke ta necesario pa rasonnan humanitario mester llega un fin.

E ministernan a avisa Cuba tambe qu si e sigui qu agresion y intervencion contra cuakier otro miembro dje Organizacion di Estadonan Mericano, e estadonan miembro lo por actua qu arma, te ora cu e organizacion emprende pasonan pa segura paz y seguridad riba e hemisferio.

E medidanan tin un caracter serio pa estadonan miembro. Te ainda no ta conosi con e actitud dje paisnan qu a vota contra lo ta. Rusia, entre tantu atrobe a demostra Cuba su apoyo.

Politico cambia di color

ORANJESTAD, 27 Julio, -- For di Corsow e noticia a worde ricibi cu den e ultimo reunion di Eilandsraad di Corsow, cual a tuma lugar diabierne anochi ultimo, un di e representantenan di e votadornan pa N.V.P. a dicidi di cambia di color y a pasa pa e partida di D.P. hibando su autori-

dad cu ela hanja cu votonan di N.V.P. den e ultimo eleccion pa eilandsraad na Corsow. Aki ta trata di un tal A. Moeniralam. Door di e cambio di color awor e representacion den Eilandsraad ta N.V.P. 11, y D.P. 10, pues N.V.P. kedando cu un majoria minimo.



Senor A. Moeniralam, para entre senor J.A.O. Bikker, presidente di Staten di Antillas Neerlandes (man robes) y senor S.G.M. Rozendal, lider di fraccion di DP na eilandsraad di Corsow (mandrech) ta worde felicita door di un compatriota.

ORIT NA ARUBA TA ORGANISA ROND FRANS LODEWIJK MADURO

ORANJESTAD, 27 Julio, -- Senor Frans Lodewijk Maduro, kende algun tempu pasa a worde saca for di directiva di OCTA, pa motibu di actividadnan no na agrado di directiva, a establece un union nobo pa e trahadornan den empresanan pafor di LAGO.

El a yama su union nobo Federacion di Trahadornan Arubano, FTA. Durante un reunion, cual a worde teni diabierne e miembronan a aproba e statutan cu lo worde manda pa aprobacion di ministro. Den e directiva FTA tin puesto, presidente Lodewijk Maduro, secretario Rufo de Cuba, Segundo secretario Rosendo A. Colina, Tesorero Jacinto M. Diasz, y comisario di senor De Cuba.

Di Petroleum Workers Federation of Aruba, cual durante un referendum na 1961 mester a baha cabez pa IOWUA, tur e otro miembronan di directiva di FTA ta miembronan di directiva di IOWUA.

Ma aki nos mester constata cu e conocido Union di Trahadornan di LAGO ta den man di senor F.L. Maduro, kende su simpa-

tianan en futuro lo ta completamente pa ORIT (Organizacion Regional Interamericano de Trabajadores), cual ta un seccion di ICFTU (Internacional Congress of Free Trade Unions). Cerca e union aki FTA lo afila su mes tambe. E miembronan di directiva cu senor Maduro a rondona rond di dje den F.T.A. Tur ta sympatizadornan cu ORIT, inclusive senor De Cuba Pues ta bon conoci cu PWFA, durante su tempo tabatin relacionnan masha estrecho cu ORIT y su advisornan y placa di e banda ey a worde hinka den e lucha contra di LEC y IOWUA. Como cu e majoria di empleadonan ta organisa den IOWUA, nos por bisa cu ORIT a establece su mes via senor Frans Lodewijk Maduro masha fuerte ariba Aruba, y cu CTA Senor Maduro ta spera di organisa resto di trahadornan di Aruba den su bastillo di ORIT.

Asina cu esaki lo bai bira un batalla sindical entre FTA y OCTA, kende ta afila na CLASC. Pues OCTA kier organisa e trahadornan pafor di LAGO tambe, pero bao proteccion di CLASC.

Como cu ORIT y CLASC ya por worde considera enemigo di otro, kendenan ta batalla masha fuerte den Latino America, caminda CLASC tin e majoria di trahadornan, ta muestra cu por lo tanto den e temponan cu ta bini lo no tin tranquilidad pa e obreronan na Aruba.

Asosacion Oost y West ta organisa vuelonan na Surnam y Antillas

DEN HAAG, 27 Julio, -- E asosacion Real "Oost y West," a tuma e iniciativa pa vuelonan di charter pa Surnam y Antillas. Diamars anochi lo sali e prome avion di Martins Aircharter - cu 97 pasahero di Schiphol, y ya tin caba un di dos vuelo pa dia tres di agosto proximo. E pasaheronan lo keda durante un luna na Surnam o Antillas. Te intension dje asosacion Oost y West pa haci mas dje vuelonan aki, even-

ASALTO NA BANCO

TORONTO, 27 juli - Un empleado di banco a wordu tira mata y un polis herida ora cu nan a trata di detene un homber masha cara y arma cu a horta di un oficina dje Canadian Imperial Bank of Commerce 20.000 dolar. Un empleo a tuma scopet dje director y a tira riba e ladron cu a hui, y cu a contesta bek cu un pistol automatico.

tual pa otro paisnan tambe. Riba e pregunta qu tin tambe viadenan pa Indonesia, nan no contesta.

E gastunan di viahe por ta masha abow. E viahe ta costa pa miembronan dje asosacion, Oost y West, mas o menos 1.00 florin Ulandes ida y buelta. E prome vuelo lo hanja algu oficial, door di presencia di un cantidad di autoridadnan, entre cual

(Si uil lea pag. 6.)



SABOR CU NUNCA TA VARIA

IT NEVER VARIES.

Aruba tin campeón di judo den tur cinco division

San Nicolas, 24 Julio, -- Diasabra anochi na Lago Sport Park a worde teni e campeonatonan di diferente division di judo organisa door di Aruba Judo Bond. Den cuatro diferente division tabata tin combatenan pa dicidi kende ta campeón di cada division. Unicamente den e division di fahabruin no a worde nombra un campeón como cu no tabata tin contendor cu ta posee e faha ey. Como cu di e faha preto ta un contendor so tin, esta Ramon Sharpe, esaki a worde proclama campeón di e division ey, cual por cierto ta esun di mas halto na Aruba.

Exactamente 7' or manera anuncia e combatenan a cuminsa entre e dos combatenanan di cuminsa geel. Harry Breevoort a enfrenta y gana di E. Cardoze cu mitad punto y un teni abao. Breevoort pues a bira campeón di Breevoort geel.

Den e color oranje a midi forza Robert Milton y Ronald van Heeswijk. E ultimo aki a resulta ganador cu un rapido Harai Makikoni tirando Milton over di su heup. E campeón di faha oranje a bira Ronald van Heeswijk.

E unico division pa cual tabata tin tres contendor ta di faha color berde. E promer combate a bai entre Sylvano Osefia y Hilario Bislip. Pa 2 punto y mei Osefia a resulta vencedor. Bislip luego a enfrenta Eric Lo Fo Wong, y a worde venci tambe door di Lo Fo Wong. Finalmente mester a enfrenta otro pa dicidi e titulo di e faha berde e dos ganadornan Osefia y Lo Fo Wong. Teniendo Lo Fo Wong fuertemente choka, Osefia a resulta ganador di e pelea final pa bira campeón di e faha berde.

E dos poseedornan di faha blauw cu a enfrenta otro ta Nicolas Houtkoop y Mario Bislick. A resulta ganador y campeón di e faha aki Houtkoop.

No tabata tin combate den e division di faha bruin debi na cu no tabata tin contendor pa e titulo aki. Tampoco tabata tin combate pa e faha preto, ya cu na Aruba ta un persona so tin e faha preto. Esaki ta Ramon Sharpe, kende consecuentemente a worde proclama ganador di e division faha preto.

Tur e combatenan aki a worde dirigi door di e entrenador Isaac Wakabayashi, kende mescos cu anja pasa ta pasa algun luna na Aruba pa entrena e judokanan

arubano. Especialmente entrenador Wakabayashi lo dedica atencion den e simanann venidero na e cinco judokanan cu lo representa Aruba den e promer campeonato antiano. Esaki lo worde teni muy probablemente dia 29 di augustus na Corsow. Na e cinco campeonnan arubano lo worde entrega diploma di campeón aki dos siman door di directiva di Aruba Judo Bond.

Despues di e combatenan oficial di diasabra anochi tabata tin algun demostracion. Houtkoop y Osefia a duna demostracion di tecnica di e deporte di judo, mientras cu Wakabayashi y Ramon Sharpe a duna demostracion di defensa propio na momento di un atake

cu cuchiu of palo.

Especialmente e ultimo demostracion aki a cai masha na smaak di e numeroso publico cu tabata presente.

Segun nos a worde inforina e promer campeonato antillano di Judo lo worde teni na Corsow como cu ya na Aruba e judokanan di Corsow a actua varios biaha caba. Awor ta un oportunidad pa esunnan di Aruba bai competi na Corsow. Organizacion di e promer campeonato antillano ta den man di e Federacion Antillano di Judo cual a worde funda door di e bondnan di judo di Aruba y Corsow conhuntamente.

Ta ehemplar com den e hoben deporte aki tin asina un bon comprendemento entre e bondnan insular di Aruba y di Corsow. Nan ta demostrando cu cooperacion ta bien posibel entre e dos islanan mayor di Antias dendeporte con tal cu tin comprendemento mutuo.

Maldonado presidente Sociedad Bolivariana


ORANJESTAD, 27 Julio, -- Bastante interes pa parti di miembronan y invitadonan di Sociedad Bolivariana na Aruba tabata reina diabierne anochi ultimo na instalacion oficial di e directiva nobo di e Sociedad aki, cual a worde eligi dia binti ultimo. Entre e presentenan nos a mira diferente consul di paisnan Latino y Caribe.

Despues cu e reunion a cuminsa e directiva bieuw cual a sinta ultimo tres luna despues di un controversia den e sociedad a gradici pa e cooperacion ricibi durante e tres lunanan a tumanan retiro. Sr. Leanez e ora el toca e honor di haci e acto oficial di e ceremonia di instalacion di e presidente di e sociedad, pero promer a duna un discurso emocionante den cual el a muestra ariba e balor di e union di un directiva y su miembronan. Tambe el a papia ariba e proposito di e sociedad

cual ta cultural. Despues cu senyor Regelio Maldonado a haci su huramento como presidente di Sociedad Bolivariana na Aruba el a ricibi e martin, simbola di su presidencial pa e anja entrante.

Continuando cu e seremonia senyor Maldonado a tuma su puesto tras di e mesa di directiva y a instala resto di su directiva.

Diferente orador despues a dirigi palabra di apoyo y estimulacion pa e directiva nobo. Majoria di nan a basa nan discurso directo of indirecto ariba e proposito di e sociedad esta un proposito cultural. Tambe palabranan a worde dirigi en honor di edicion y ochenta y un aniversario di e libertador Simon Bolivar. Promer di a termina e ceremonia e presentenan hunto cu directiva di e sociedad a duna un brindis na Bolivar.



Diabierne anochi e recien eligido directiva di Sociedad Bolivariana a worde instala durante un ceremonia. Despues cu oficialmente e directiva cual a sinta e ultimo tres luna a baha, Sr. Leanez a tuma huramento di e presidente nobo, senyor R. Maldonado y a entrega e martin di presidente. Ariba e foto nos ta mira na man robez senyor Leanez y na drechi senyor Maldonado ricibiendo e simbolo di su puesto. Continuando cu e acto senyor Maldonado a instala resto di su directiva. Durante e anochi hopi palabra a worde dirigi, tambe na honor di e 181 aniversario di Simon Bolivar.

BOTICA ARUBA
Personal competente
+ Maquinaria moderna
+ Servicio excelente.
Jama No. 1080 - 1081
of 1180
y nos ta busca bo recept y entrega e remedi na bo cas.

Cumpra bo tainanan
Continental
awor y laga nos monta nan
GRATIS pa bo.
Tur tainanjo na existencia.
E. & G. MARTIJN
(ARUBA) N.V.
Havenstraat 10-12
tel. 1492 - 1493

TA BENDE
un nevera fl. 175 cama cu matras pa mucha f. 50.
1 set di comedor (cumpra na Mesker) mesa (uitschuifbaar) 6 stoel y dressoir pa solamente f. 200.
Airco (General Electric) f. 275.-
Tur cos ta den perfecto condicion. Pa informacion:
Beaujonstraat 19
tel. 2560.

Picnic pa Little League

ORANJESTAD, 27 Julio, -- Dia nuebe di agosto venidero e directiva di Little League di Oranjestad lo organisa un picnic na plantage "San Isidoro" na Hato, den becindario di Buball. E intencion di esaki ta pa invita algun

colaboradornan fieldi Little League pa asina honra nan pa nan yudanza y interes grandi pa e trabao aki.

Durante e picnic diplomanan y plaquettanan lo worde entrega.

ARUBA PEST

CONTROL CO.

- * Extermination of household pests
- * Elimination of termites
- * Soil treatment
- * Free estimate on request.



Please call: 5039 - 5558.

Long John Whisky

This wonderful whisky is again available here. After patient aging and consummate blending of many of Scotland's finest malt whiskies, Long John brings delightful and regal flavour for your enjoyment.

DAMAS NOS DEPARTAMENTO DI SAPATO TA COMPLETAMENTE NA BOSO SERVICIO.

cu un surtido enorme di **SAPATO Y TAS** di tur clase, prijs y calidad.



Portret ariba: un bista di parti di interior di departamento nobo di sapato y tas na

La Linda

HEY! THAT'S THE MOST



Yes! Your family will be "the most" for neatness when you bring their washables here to be laundered

ALL LADIES

are cordially invited to inspect our new dress dry cleaning and pressing machine.

Daily on our premises
Van Galenstraat 4 - San Nicolas.
Between 8 a.m. and 4.30 p.m.

FREE DEMONSTRATIONS

Supercleaning

Tel: 5039 - 5558.

DOBBEL CAYONAZO DI BOCA CHICA



NADA DI LLENA
NADA DI CAMBIA
NADA DI ADIVINAN-
7 A *

E siguiente serie di letternan pa forma e palabra BOCA CHICA pa e cantinaronan den e concurso dobbel cayonazo, e biaha aki a cai na ARUBA RUM SHOP, mejor conocina Choy Moy (Captain) na San Nicolas. Esaki a duna Choy Moy (Capitan) e buntia premio di Fl. 250.-- na efectivo. Ariba e portret momento cu diabierne mainta, Sr. J.M. Debrot a entrega e biljete di Fl. 250.- na Capitan. Tabata presente "chief" man drechi di "Capitan," y e dos salesman di firma De - brot, senores Ricardo Barro y Luis Estrada.

PROMER CAYONAZO:

Premios di fl. 250.- cada uno, pa cantinaronan cu forma e palabra BOCA CHICA, cu e letternan cu ta bini den e cajanan di e famoso BOCA CHICA, ademas tin varios premios especial di cajanan yen di Ron BOCA CHICA.

Forma e palabra BOCA CHICA y gana fl. 250.- na efectivo, y si bo tin mas suerte, lo bo gana tambe cajanan di e tan sabroso ROM BOCA CHICA.

SEGUNDO CAYONAZO:

Premios na efectivo y tambe gran cantidad di botternan di ROM BOCA CHICA pa tur su miles di consumidornan. Bao di e tapaderanan di Rom BOCA CHICA tin diferente premios di fl. 2.50, fl. 5.- fl. 10.-, fl. 25.-, fl. 100.- y tambe tin premios di botter di 1/2 gal., botter di 12/1, botter di 24/2. Tur loque bo tin di haci ta, compra bo botter di BOCA CHICA, waak bao di e tapa, y busca bo premio.

Y no lubida cu tur e tapaderanan di e famoso ROM BOCA CHICA ta conserva nan valor, tanto pa cambio di Rom BOCA CHICA, como pa cambio di un di e bunita glasn cu nos tin na existencia.




Tambe bo por sigui cambia bo Botternan pa placa efectivo of bo por warda nan pa nos proximo concurso cu lo ta mas grandi.



E.F. DEBROT INC.

Nassastraat 98

TEL: 1040



Otro concurso grandioso

"BO TA CORDA AINDA?"

presenta pa

ARUBAANSE COURANT

**ESUN CU DEN ULTIMO ANJANAN A LESA "ARUBAANSE
COURANT" FIELMENTE Y CONOCE SU ISLA BON LO
HANJA CU TA FACIL PA RECONOCE E POTRETAN BIEUW
AKI Y CONTESTA E PREGUNTANAN CORESPONDIENTE**

BO TA CORDA AINDA?

Aki bao ta sigui e 15 preguntanan ariba di cual nos kier hanja bo contesta (cerca cada pregunta ta corresponde e portret cu e mes un numero.)

1. Kende ta e conocido deportista cu shirt blanco?
2. Ta kiko senjor Berry ta haciendo akinan?; a. E ta holiendo un komkomber Italiano pa mira si e ta fresco ainda-b. e ta suplando den un vli di un stentor-c. E ta sunchi e man di un dama.
3. Kiko ta sosodiendo akinan? Hendenan ta saliendo for di teatro,-
b. Algun marinier cu ta camnando cu lomba,- c. soldanan ta marchando- d. Tur e habitantenan di Savaneta Kamp ta pagando sigaria di General Nass cu nan pia.
4. Kiko bo ta mira aki ora cu bo fiha bo bista entre e dos wielnan di e auto aki, fuera di polis Lammers y un pida di su auto di polis?
5. Un pregunta poco dificil: Cuanto marinier tin para tras di otro ta presentando scopet?
6. Cual concurso e senjor aki a gana cu e ta hari feliz asina?
7. Unda e potret aki a worde saca? Den haaf di a. San Nicolas, -b. Oranjestad - c. Boca Mahos, d. Aeropuerto Princesa Beatrix, -e. Barcadera.
8. E potret di Majoor Ballieux a worde saca den iglesia?
Anto den cual iglesia?
9. Un deporte cu ta birando hopi popular na Aruba ta worde practica akinan.
(Nos ta spera cu e potret ta bon poni).
Cual deporte esaki ta?
10. Cual aviso e general manager Henry Steeber ta duna aki na Miss Aruba Caribbean Hotel, kende ariba e potret aki a caba di worde eligi (Daisy Croes)?
11. Atrobe un foto poco stranjo. Kiko ta tumando lugar?
12. Esaki ta senjor Dercksen: ta kiko exactamente e ta haciendo akinan?

Si tras di un pregunta tin diferente contesta, e intencion ta pa bo escohe e contesta corecto y manda esaki.

Nos premionan pa e mihor participantenan ta:

1° PREMIO FL. 25,- 2° FL. 15,- 3° FL. 10,- Y 5 PREMIODI FL. 5,-

Contestanan tin di worde ricibi promer cu 5 augustus

**MANDA ESAKI PA "ARUBAANSE COURANT" NASSAUSTRAAT 85. RIBA ENVELOP MENCIONA:
"CONCURSO BO TA CORDA AINDA"**

DEN CASO DI MAS CU UN BON CONTESTA, SUERTE LO DICIDI--CONCURSO TA PA ABONADONAN SO.

"Bo ta corda ainda" a resulta concurso dificil

ORANJESTAD - Tumando na cuenta cu e ultimo concurso "Bo ta corda ainda" a resulta basta dificil, y cu a duna masha poco remesa completamente correcto, sin embargo nos a keda contento cu e 167 remesanan cu nos a ricibi E biaha aki e premio mayor a bai pa e damita di diez aña: Lilian Arambatzis di Oranjestad.

Tabata un concurso corto. Diahuebes e concurso a worde lanza, y ya Diahuebes ultimo un siman despues nos a cere atrobe. Apesar cu nos tabata sabi cu ariba concursionan manera esaki ta worde papia intensivamente y sin embargo menos tanto persona ta tuma parti como cu lo pi ta dicidi di no haci esey como cu nan ta hanja cu si nan no por contesta tur e preguntanan 100 por ciento nan no ta tuma parti, nos a dicidi pa duna nos abonadornan un concurso mas pikante ainda. Pior: despues di e promer concurso ta sigui un otro "Bo ta corda ainda".

Apesar cu Stella Lampe di Rood Bosal 19 tabata e promer persona cu a manda su carta di participacion aden, sin embargo e no a sali entre e ganadornan: e biaha aki tur tres premio mayor a cai na Oranjestad. E ganadornan di e concurso aki ta lo siguiente:

1. premio; Fl. 25.- Lilian Arambatzis, Sibbelusstraat 20, Oranjestad 2. premio; Fl. 15.- Marcel Jacobs, Colombusstraat 6, Socotoro. 3. premio; Fl. 10.- Carmen Lopez, Chilisstraat 11, Oranjestad. 4 te 8 premio Fl. 5.- Abellina Maduro, Premio Leendert 162. Lucia Tromp, Nunja 13. Martin Britten, Turibana 46, Igenia Brete, Shirisbana 1. Frank Tromp, San Barbola 67-A.

Pa e 167 remetidornan por controla nan contestanan nos ta pone e contestanan correcto aki bou: 1. motor di jet- 2. na John F. Kennedyschool- 3. L.G. Smith -4. E.O. Petronia 4. un brandspuit 6. salto cugarocha (polsstok springen) 7. A.V.P. 8. Barbell 9. trommel (tambor) 10. carnaval 1964. 11. Ed Byington ta sunchi Ella Yarzagaray 12. ex-havenmeester Beaujon y ex-deputado Anslijn. 13. Flamingo 14. feria mundial na New York- 15. Prins

Carnaval 1964, Eugene Lacle. Ta di comprende cu e contestanan tabata varia sumamente y tambe e erronan. Por ehemplo un pregunta dificil a resulta no. 3 y e presidentenan di Lago tabata varia for di L.G. Smith te Horigan, Mingus, Teagle y "Roosveld". Un persona tabata di opinion cu e caricatura di señor Petronia a worde usa den e parada di A.V.P., pero esaki no tabata asina. E cabal (pregunta 12) a produci contestanan cu nos no a spera. Un persona a scribi: "E caballo aki tabata un propaganda di White Horse den parada di carnaval." E tocador di trommel of tambor a worde promove te cu dirigente di Arubaans Symphonie Orkest y tabatin uno cu tabata di opinion cu señor E. Scharbaai tabatin cien liber di pluma ariba su cabes teni. Agent di polis Bekker tambe a causa sensacion. Un abonado a contesta cu loke e tabatin den su man ta un ba-zooka, otronan a bisa cu ta un fishing reel, tambe boorcompres y drill di muraya. E caballero cu ta dunando Ella Yarzagaray un sunchi tan seco, su nomber a resulta demasiado dificil (nos no a conta scribimento cu error) pero en todo caso el a hanja un variacion grandi, Brighton, Bylinton, Bayendatown, Bryington, Beington, Fryington y Eel Byington. No unicamente A.V.P. a worde menta como esun cu a camna cu "Morto di P.P.A." den su parada (pregunta siete), pero tambe algun abonado a bisa cu ta U.N.A., hasta P.D.C. cu entretanto a worde dera pa Fichi Croes, a hanja e nomber di a carga e borch. Tambe F.O.A. cual "Amigoe" lo tin gana di duna bida atrobe, segun un abonado tabata esun cu a carga e borch den su parada. E globo di Feria Mundial na New York segun algun abonado mes-



Aki nos ta pone un sorteo di e contestanan cunos a hanja ariba e pregunta acompañando e portret conhunto: Esta; Kende ta sunchi kende? contestanan:

Murray ta sunchi Ella Yarzagaray, Luci Promp y donjo di Aruba Caribbean Hotel Ed Byington y Linda Maduro; Ed Byington y Rica Veger; Ed Byington y Julanda Continho; Byington y Evelinda Yarzagaray; Henry Steeber y Ella Yarzagaray; Oscar Henriquez ta sunchi Enid Marugg, Oscar Henriquez of Marugg ta sunchi Enid Marugg, Frieda Wever ta hanja sunchi di president Mauricio van der Ree ta sunchi Omira Habibe

ter por worde mira aki of aya na Aruba. Algun a mire banda di e postkantor bleuw, otronan a mire banda di Aruba Caribbean Hotel, otronan banda di Foto Bonke, mientras cu parce el a worde mira tambe cerca di Strand Hotel, ariba e garosa di Tivoli Club den e parada di carnaval y tambe banda di un cas na Klip.



Nos pregunta pa e portret aki tabata "Bo conoce e caballero nan aki? Kendenan ta? Contestanan:

Directiva di Barlow, Sr. Seykota y Anslijn; W.C. Anslijn y Fatty; Anslijn y Lope Beaujon; Ministerio Ruso Nikita Chroesjof y Rey Hoessein di Jordania, e dos caballeronan aki ta Jossy Arends; Havenmeester Beaujon y Peruchi Anslijn y Americano di G.E. personanan di Westinghouse Havenmeester di Westinghouse y esun cu a keda su lugar, Beaujon Coreles y Anslijn, Ta e expertonan cu a trece e grua grandi pa Lago Pina y Anslijn. Anslijn y Wopstal, Anslijn y Bob Style, W.C. Anslijn y Mc. Namara, Anslijn y voorman di Nahar.


E gordo ta e loods Beaujon y otro ta Anslijn ministro di Hulanda H. v Massey (Nassy) y Pedro Rasmijn. Ministro Korthals y Anslijn.

Triunfo y derrota pa Estrella

(Di nos Redactor Deportivo).

E dos equiponan di Estrella cu ta hungando den e actual campeonato di basketball a sufrí triunfo y derrota diabierne anochi ariba cancha di Aruba Jrs. Esun di junior a sufrí derrota na man di e quinteto hubenil di Aruba Jrs cu anotacion di 30 pa 8. Mihor anotador di e partido tabata R. Zaandam di Aruba Jrs. cu total di 10 punto. E ocho puntonan di Estrella a worde anota door di cuatro diferente hungador. Esaki ta e quinto triunfo pa Aruba Jrs. den seis salida. Estrella tin un victoria y seis derrota den she-te wega hunga.

Den clase B Estrella a supera Y.M.C.A. cu anotacion di 43 pa 32. M. Croes di Estrellatabata e mihor anotador cu 22 punto riba su nomber. Di Y.M.C.A. R. Hodge tabata e mihor cu 12 punto.



un
desajuno
sabroso
cla den
un frega
di wowo..
claro cu
yudanza
di
REDDY!

Presentacion di Muziekschool den Centro Cultural

ORANJESTAD, 27 juli - Den sala tres cuarto yen a tuma lugar diasabra anochi den Centro Cultural na Oranjestad e presentacion annual di e alumnonan di Arubaanse Muziekschool. Un gran cantidad di muchanan grandi y chiquito un mihor cu otro a presenta loke nan por y a sinja ariba tereno musikal pa nan rumanan majornan y famianan.

Un punto nobo ariba programa tabata e instrumentonan cu a worde demostra aya, bao di gila di señor A. Derksen y señora Gerda Seyler.

Plannan pa extencion hotel ta bai Hulanda

ORANJESTAD, 27 juli - E oferta mas abao pa extencion di Aruba Caribbean Hotel Casino cu ochenta kamber, cual a resulta e oferta mas abao pero sin embargo mucho mas halto cu e gastonan cual anteriormen-te a worde calcula door di e oficina di arquitecto na Aruba, Aruven, donjo di e hotel awor ta hanja su mes den dificultad. En connexcion cu e plannan di tanto aña pues yudanza a worde pidi na Hulanda pa e extencion pa e suma cual promer a worde calcula pero awor a resulta como mei millon florin mas, como esaki mester wor-

de aproba promer door di gobierno di Hulanda, gobierno Antillano a haci un peticion pa e mei millon cu falta. Awor tin di spera kiko lo sosode. E ofertanan cual ta valido pa sesenta dia ta bin termina dia 29. E directiva di Aruven ta spera cu gobierno Hulandes promer cu e fecha menciona lo duna su aprobacion. E extencion tabata calcula pa fl. 2.200.000, pa construccion y salario di arquitecto y mueblacion. Pero Petrona & Croes ya mes a pidi fl. 2.219.000 pa e construccion solamente. E construccion lo ta bao control di DOW.

Diabierne anochi na instalacion di directiva di Sociedad Bolivariana hopi palabranan bunita, elokuenta, y di animacion a worde papia pa diferente oradornan cu a duna e presidente recién eligi, Sr. R. Maldonado motibo pa reacciona na diferente manera.

Su expresionan tabata claro mirando e serie di cinco foto cu a worde saca di dje durante un discurso di un di e presentenan, diabierna anochi.



AOB kier mihor programanan di TV pa mucha

ORANJESTAD, 27 Julio. -- E directiva di Arubaanse Onderwijs Bond a dicidi pa en cooperacion cu otro organisacionnan di enseñanza a haci un peticion na Nederlandse Televisie Stichting pa yuda hanja mihor programanan di television pa mucha. Nan ta sumamente mal contento cu e actual programanan cu ta worde pasa pa mucha y pesel lo haci un peticion na N.T.S. pa manda algun programanan adecuado pa mucha pa Aruba via di Sticusa y oficina di Cultura y Educacion.

Susebeek a celebra su promocion

ORANJESTAD, 27 juli - Den Hotel Capital a tuma lugar diasabra atardi e celebracion di e promocion temporario di señor P. G. Susebeek como subst. Griffier di corte di husticia. Esaki el a celebra hunto cu su colega nan di trabao. E promocion a tuma lugar despues cu a worde anuncia cu jurista E.J.E. Mohammed dia prome di september lo bai cu verlof Europa pa despues di dia prome di maart 1965 hanja un ecargo di estudio pa ley. Esaki a nifica cu entranti un di september señor Susebeek, kende awor ta substituant griffier di gerecht in eerste aanleg, por lo tanto a worde nombra como subst. griffier di Corte di Husticia.

For di Corsow señor Every lo bin pa durante dos aña y mei cu señor Mohammed ta for di servicio pa tuma e puesto di señor Susebeek.

AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna
 edicion los 20 ct.
 edita pa:
 N.V. ARUBAANSE DRUKKERIJ
 - en UITGEVERS - en PUBLI-
 CITEITS MIJ

imprimi na:
 N.V. DRUKKERIJ
 "DE STAD"

Telefoon 1116 Directiva y redac-
 cion, 2116 Anuncio y subscrip-
 cion.

Directeur hoofdredacteur:
 D. Wolff.

POR CUMPRAR ARUBAANSE
 COURANT NA E SIGUENTE
 LUGARNAN:

NA ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.

NA SAN NICOLAS
 NICOLAAS STORE,
 UNION STORE.

BOTICANAN DI WARDA

Oranjestad Botica del Pueblo
 Tel: 1253 - 2154
 San Nicolas Botica San Lucas
 Tel: 5119

CINE

D e Veer: 8.30 p.m. "Victim" 18 j
 Rialto: 8.00 p.m. "Cairo" 18 j
 Principal: 8.00 p.m. "The Con-
 demned of Alona" 18 j
 Aurora: 8.00 p.m. "Romance en
 Puerto Rico" 18 j
 Savaneta: 8.00 p.m. "A Ticklish
 Affair"

TELEARUBA

05.30 Children Hour
 06.00 Annie Oakley
 06.30 NTS Journaal
 06.45 News
 07.00 The Flintstones
 07.30 Sportsnews
 07.45 I Love Lucy
 08.15 Have Gun Will Travel
 08.45 English News
 09.00 T.V. per Luchtpost
 10.00 Bold Venture
 10.30 Sign Off

"DESTINO FAVORABLE"

NOVELA

No. 24.

Britta kier a bay sutras. Na e mo-
 mento aki no tabata importe si e
 forma un escandalo. Pero e baha
 aki, ta Roy ta pone usa su cabes.
 El a bin para su dilanti y a cohe
 tene, maske cu Britta ta lucha
 fuertemente pa e los su culpa.
 "Entregabo, Britta. E baha aki bo
 a perde. Hamas e hombre aki lo
 pordonabo loke bo a haci." "Bay
 di akinan, bay lihe, kiko bo ta haci
 akinan ainda, bay, mi no por mi-
 rabo mas", el a grito. Mesora el
 a lague bay, y a hala un banda. "Si
 lo mi bay Britta, prome cutade-
 masiado laat pa mi. Ainda mi ta
 sinti e forza den mi culpa, pa mi
 aleha di bo, pa asina mi por cu-
 minsu un bida nobo. Kizas mi mes-
 ter gradici destino, cu el a lagami
 mira asina lihe con frieuw y sin a-
 mor bo curazon ta." E no a keda
 spera su contesta, y a sali bay.
 Spanta Britta a keda mire e porta
 serra. Te ainda e no por com-
 prende cu Roy a cumpli cu su ame-
 naza y el a bay. Roy, kende semper
 e por ahaci cune loke e kier. El a
 sinti con su sementa manera un

desprecio y esey ta pone sinti ra-
 bia. "Lo mi pagabo esey, lo bo jo-
 ra pa mi stimacion, pa mi dunabo
 palabra di carinjo. Bo no por la-
 gami, bo a entregabo mes nani!"
 Pero algun dia despues Britta mes-
 ter a constata, cu Roy a kibra de-
 finitivamente cu ne, cu e tabata
 basta fuerte pa resisti contra su
 amor pa Britta, cu solamente por
 a trece infelicidad pe. Roy a bay
 di eynan, Britta a sospecha, cu el
 a bay bek serca su amigonan, cu
 el a bandona pa su fia. Yen di a-
 margura e mucha muhe orgulloso
 aki ta realisa, cu yata di dos bha-
 ha cu el a worde desprecia. E
 mesun dia Britta alaganan empa-
 keta su maletanan. El a bay un ca-
 minda desconoci.

xxx

Annerle tabata asina felis. Des-
 pues di un pleito largo y amargo
 entre e cu Ralf, e hoven aki a la-
 ga e mucha muhe baha cabes
 toch. Y ora cu e ta para dilanti su
 mayornan, pa puntra pa man di
 Annerle, nan mester a sonrei cu
 otro masha comprensivo. "Mi

RADIO ANTILLANA

6.00 Peticiones
 6.15 E Bijbel Habri
 6.30 Ultimas Noticias
 6.45 Ecos Del Cielo
 7.15 Bo Musica Favorito
 7.45 El Sendero De Vida
 8.00 Canticanan Di Evangelio
 8.15 Mundo Femenino
 8.30 Ultimas Noticias
 8.45 Musica Di Banda
 9.00 Noticias Español
 9.15 Melodias Del Alma
 9.30 Morning Melodies
 10.00 World News
 10.10 The Bible For You
 10.15 Through The Bible
 10.45 Organ Melodies
 11.00 Chapel Of The Air
 11.15 Novela Cristiana
 11.30 Melodias Di Merdia

P.M.
 12.00 Ultimas Noticias
 12.15 Musica Sagrada y Medi-
 tacion
 12.24 Thought For The Day
 12.30 World News
 12.45 Quiet Time
 1.00 Radio Concert Hall
 2.00 Reading Room
 2.15 Songs Of Zion
 2.30 Quiet Hour
 2.45 Radio Revival
 3.15 World News Headlines
 3.20 Ensueños Musicales
 3.45 La Hora Bautista
 4.15 Ultimas Noticias
 4.30 Vertel Uurtje
 4.45 Noticias Español
 5.00 Musica Di Banda
 5.15 Palabranan Di Bida
 5.30 Lago Hour
 6.00 World News
 6.15 Psychology For Living
 6.30 Sailor Sam
 6.45 Listening Post

Postsluitingen

Br. Guiana 15.30 - Canada (8.00-
 15.30) - Colombia 15.30 - Curacao
 (10.00) (16.00) Europa (8.00-15.30)
 Jamaica 8.00 - Miami Fla (2) 8.00
 New York (8.00-15.30) - Nevis
 16.00 - St. Kitts 16.00 - St. Maar-
 ten 16.00 - Suriname 15.30 - Trini-
 dad (5) 15.30 - Venezuela 15.30.

RADIO CARACAS TELEVISION

8.45 Senderos de luz
 9.00 T.V. Educativa

RADIO KELK BOOM

7.00 Opening
 7.02 Bon dia cu Alegria (Instru-
 mental)
 7.30 Noticia Internacional (Amstel)
 7.45 Musica Matutino
 8.00 Seleccion musical cu dis-
 conan Latino
 8.30 Cumpleaños Feliz
 9.00 Noticia Social
 9.15 Musica Varia
 9.30 Melodias Instrumental
 10.00 Noticia Internacional
 10.05 Ritmos Latinos
 10.30 Programa di N. Habibe Jr.
 11.00 Noticia Internacional
 11.05 Musica Norte Americana
 11.15 Musica Antillana
 11.30 Musica Varia
 12.15 Noticia Internacional (Am-
 stel)
 12.30 Musica Norte American.
 12.45 Noticia Local (Viana)
 01.00 Variacion di Ritmo latino
 01.30 Mei ora cu Boleros
 02.00 Novela (Repeticion)
 02.30 Peticiones
 03.15 Ritmos di Caribe
 03.45 La Macorisana & Inter-
 nacional Supermarket
 04.30 Musica cu sabor Azteca
 04.30 Noticia Local (Helneken)
 04.45 Cocktail Musical
 05.00 Danzones Cubanos
 06.30 Musica para la Cena
 07.00 Noticia Internacional pa-
 piamento
 07.15 Musica Aleman
 07.45 Musica Norte Americana
 Instrumental
 08.15 Novela (Colgate)
 08.45 Musica Varia
 10.00 Sluiting.

10.30 Cosas de mujeres
 11.15 El hogar y la moda
 11.45 Novela
 12.00 Noticias
 12.05 Show de Renny
 13.15 Se necesita una amiga
 13.35 Cortos
 14.00 Yo se lo vendo
 14.30 Documental
 15.00 Estudio de Hector Monte-
 verde
 15.30 Perfecta ama de casa
 16.00 Mejias y sus muchachos

17.00 Fuego de juventud
 17.30 Patruila fantasma
 18.30 A gozar con salami
 19.00 Las enfermeras
 20.00 Yolanda Moreno
 20.30 Radio Rocheia
 21.00 El observador Creol
 21.15 M. Squad
 21.45 Dick Powell
 23.00 Cine en español

RADIO ANTILLANA

A.M.
 05.30 Manianita Arubana
 05.45 Orquesta di Siman
 Bo compahero constante Radio
 Antillana
 06.10 Noticia na Ingles
 06.30 Noticia na Papiamento
 06.45 Dutch By Radio
 07.10 Noticia na Ingles
 07.30 Noticia na Papiamento
 07.45 Programa di Joel Nieuw
 y poesia
 08.00 Espacio pa Ritmo Criollo
 08.10 Noticia na Ingles
 08.30 Musica y consejo dedica na
 tur nos Automobillistanan
 09.00 Dutch By Radio
 09.15 Programa dedica na tur A-
 manan di cas.
 09.30 Meijico ta canta pa tur nos
 Amanan di cas.
 10.10 Noticia na Ingles
 10.20 La Macorisana e Internacio-
 nal Supermarkets.
 10.40 Continuacion di Amanan di
 cas
 11.00 Dutch By Radio
 11.15 Noticia na Ingles
 11.25 Regalo Musical
 12.00 Melodias Antillanas
 12.10 Noticia na Ingles
 12.20 Noticia na Papiamento
 12.30 Noticia na Ingles
 12.45 Capsulas En Orbitas alre-
 dedor di Mundo Deportivo
 P.M.
 12.00 Noticia na Papiamento
 01.15 Fiesta Calypso
 02.00 Lo De Ayer
 02.30 Boleros Romanticos
 03.00 Music for Teenagers
 04.00 La Esperanza y su Oose-
 quio Musical.
 04.30 Complaciendo Peticiones

05.00 Noticia na Papiamento
 05.15 Programa di Budweizer
 05.30 Calypso Rama - China Clip-
 per
 05.45 Programa di Gobierno In-
 sular
 06.00 Kinder Uurtje
 06.15 Musica Norte Americano
 06.30 Noticia na Papiamento
 06.45 Dutch By Radio
 07.00 Felicitaciones y Complaci-
 endo Peticiones
 08.00 Programa pa tur Pacient-
 nan den San Pedro y Lago Hos-
 pital.
 08.15 Cont. di Felicitaciones y
 complaciendo peticiones.
 08.30 Saludos Reddy Kilowatt
 09.00 Dutch By Radio
 10.30 Metodias y romance
 12.00 Clausura.

CUMPLEANJOS

Dia 25 di Juli a drenta enlace ma-
 trimonial Senior Wilfrido Jacobo
 Kelly, cu e senorita Maria Satur-
 nina Arends, hopi felicitacion ta
 bini di nan majornan y demas fa-
 mia.

REACCION ALEMAN CONTRA DE GAULLE

Bonn, -- UPI -- Gobierno di Ale-
 mania Occidental a declara cu
 presidente di Francia, Charles
 de Gaulle, ta comete un error
 si e afirma cu e politica di
 pais aki ta depende di esun di
 Merca of cu esaki ta subordena
 ne pais aki.
 Calificando esaki como "comen-
 tario, e secretario di estado Karl
 Guenther van Hase, hefe di e
 seccion di prensa di Gobierno,
 a contesta e declaracionnan qu
 a ser hasi ayera pa De Gaulle
 den su conferencia di prensa na
 Paris.

De Gaulle a manifesta qu e tra-
 tado di consulta franco-aleman
 qu nan a firma un aña y mei pa-
 sa no ta funciona manera nan a
 planea esaki, y a acusa gobierno
 di Bonn pa no kere den un po-
 litica di independencia europeo di
 Estados Unidos.

"Gobierno Federal -- asina Ha-
 se a bisa -- tambe ta lamenta qu
 e cooperacion di Francia y Ale-
 mania no a bai manera nan a sti-
 pula anteriormente pa determina
 cuestionnan importante, Gobierno
 Federal ta sinti mas estimacion
 (qu De Gaulle) pe resultadonan
 qu ya nan a logra cu coopera-
 cion di Francia den e marco di
 e tratado. "E politica aleman no
 ta depende ni di Estados Unidos
 ni di Francia. Un politica com-
 un di dos gobiernonan no por
 nifica aceptacion pa un di nan
 respecto tur e opinionnan di su
 asociado."

Dia 26 di Juli a cumpli 5 anja Anna
 Antinoutte Boekhoudt, felicitacion
 ta bini di su mama Chita, tata Be-
 bbé, rumannan Tico, Esie, y Alvin
 madrina Trinita Croes, padrino
 Ching Erasmus, welo y welanan,
 omo y tantanan, amigitanan Ma-
 ritzza Lampe, Mena Croes, Chi-
 chi Croes, Lillian v/d Biezen, E-
 mi Boekhoudt, Mech Croes y
 Lourdes Erasmus y demas famia
 Boekhoudt y Croes.

Hobennan portoriqueno ta triunfa

Springfield, Ohio, --UPI-- E ho-
 ben tenistanan portoriqueno Al-
 berto Carrero, prome clasifi-
 cado di Santurce y Stanley Pasa-
 rell di Caparra Heights, Puerto
 Rico, ayera a derrota e califor-
 nianonan William Davidson, cuar-
 to clasificado y Jim Bombeau cu
 score di seis-cuater y seis-tres
 den e semifinallan di dobles di ho-
 benitonan di e torneo di tennis di
 oeste.

pleita cu otro, Sally tabata sinja su
 aleman atentamente. Cu un mirada
 sonjador, e bunita senjora takeda
 mira e muchanan. "Si, Sr. Frai-
 bank, nunca mi por caba di gradi-
 ci. Nan ta un poco wild, y incansa-
 ble, pero nan tin un bon curazon."
 "Stranjo, Sra. Derix, tur bo jiu-
 nan ta parece nan tata. Tur tin cabey
 blond y wowonan colo cla." Esey ta
 masha comprendibel, Sr. Frai-
 bank, el a contesta hariendo.
 "Nan no ta mi mes jiu-
 nan. Peter tabata tin casi siete anja, dia cu mi
 a casa cu su tata." Spanta el a ke-
 da mire. "Pordonami por favor,
 Sra. Derix, mi apuntrabo coy bo-
 bo." "Pero por favor, Sr. Frai-
 bank. E pregunta aki mester sali
 ora cu mi ta parabandi e mucha-
 nan".
 E kier a pasa bandi Jimmy, pa
 sali bay, pero esaki a stroba
 su caminda. "Un momento Sr.,
 si tin un hende cu mester regla
 e asunto, esey ta ami. Britta
 ta liber, pasobra ya mi no ta
 sinti mi mes mara na mi pala-
 bra. Keda tranquil y papia cu ne.
 El a sigurabo cu e ta stimabo,
 y esey ta nifica hopi pe. Mi ta
 kere, cu e lo tene su palabra."
 Britta ta mostre su moketanan.
 "Lo bo paga esey, Jimmy" Jim-
 my ta hari cu bofon. "Kiko bo
 kier haci anto, Britta? Ilaci mi
 bida insoportable cu yudanza di
 bo tata? Den bo propio interes
 mi ta consehabo."

E ta sigui....

mes no sa, na kende mi por con-
 fie miyor cu na abo Ralf", e tata
 a bisa, y a duna su futuro suegro
 un man. Jeta al contrario a coy
 su cabes tene den su mannan, y a
 keda mire yen di amor den su wo-
 nonan. "Bosobira felis, mi jiu-
 nan mes felis, cu ami a bira cu bos-
 tata", el a bisa suave. Pa un rato
 Ralf a pone su cara contra e muhe
 su cara y den su curazon a nace un
 ternura pe. Foy tempo cu etabata
 chikito el a perde su mayornan y
 semper den su curazon e tabata tin
 un deseo doloroso pa haya stima-
 cion maternal. Cuantoblah e ta-
 bata tin gana di jama e muhe buni-
 ta aki como su mama! Y awor su
 unico deseo a worde cumpli. "Mi
 por jamabo "MAMA" awor", el a
 puntra. "Si mi jiu, pasobra for di
 awe en adelanti bo ta un parti di
 nos famia". Annerle ta hafa serca
 di su mama. "Tende, mama, lo
 keda un poco pa nos ainda" el a
 puntra, y e mirada cu ternura cu
 el a dirigi pa Ralf a mostra clara-
 mente, cu e no kier meen manera
 e tabata. "Wel, ate atrobe?" Peter
 a interweni, mientras e ta sacudi
 su cabes. El a duna su amigo un
 man, mientras e ta bisa: "Ralf,
 pensabo bon prome. Ainda bo tin
 tempo. Mucha, sea juicioso, pen-
 sa cu bo ta perde bo libertad, y pa
 e resto di bo bida lo bo mester
 keda cu ne." Cu rabia Annerle a
 corre bay riba su ruman. "Abo
 demonio malo, mi ta sacabo wo-
 nonan pa bo". Hariendo Peter ta

Cempro ta extende actividadnan riba tereno nobo na Oranjestad

ORANJESTAD, 27 Juli. - E empresa Cempro cual ultimamente door di e plannan nobo di aeropuerto a worde elimina for di Wayaca, desde poco dia ta trahando full speed den su lugar nobo na e tereno di industria poco pabao di DOW.

Aki e machin nobo di bati blokki ta trahando atrobe y un extension di e empresa ta worde realiza. Pasobra fuera di blokinan pronto Cempro lo bai entrega tambe mosaiconan pa floor. Pa esaki ultimamente e fabrica di blokki di Ortiz & Gonzales a worde cumpra. Cu algun machin nobo mas aserca ta worde spera cu pronto e empresa lo ta produciendo e materialnan aki tambe.

Cempro ta un di e industrianan di mas hoben na Aruba. El a worde establece na anja 1950 door di Cuatro contratista grandi na Aruba. Esta Bouwmaatschappij Aruba N.V. Petrona & Croes Bohama Aruba t Ortiz & Gonzalez. E intencion di e establecidornan tabata pa centraliza nan trahamento di blokki cual cada un e mes tabata haci. Door di cual semper nan io por tabatin basta y alavez di calidad halto. Senjor J. van der Horn kende anteriormente tabata traha na e oficina di arquitecto di D.O.W. a hanja e direccion diario di Cempro.

Como cu e machin nobo di traha blokki no tabata cien porciento nan a dicidi pa ora di mudamento pa Eagle compra un machin nobo y instale. Esaki desde algun tempo ta funcionando den e loads grandi cual ta instala den centro di un terreno di 12,500 meter cuadra di tereno cera cu muraya cual ta di Cempro. Enberdad ta asina cu e capacidad di produccion no ta muchu mas cu esun cu e machin bieuw, pero door di cierto aparatonan di controlacion por worde constata exactamente con muha etc. e blokki ta asina por produci blokinan di mes un calidad constante. Asina e machinnan aki ta elimina hopi kehonan cu anteriormente sa worde tendi. Na e momento e personal di Petrona & Croes ta extendiendo e loads ariba e tereno.

Esaki ta e coneccion cu e plannan pa un fabrica di mosaico.


Entretanto e showroom den e edificio di Cempro ta halando e atencion necesario. No pa motibo di e blokinan, pero especialmente door di un figura di hende cu por worde habri pida pida for di otro.

Pues ta asina cu bao di e plafond di Cempro tin hopi mas producto cu unicamente producto di cement so. Un empresa hermana por ehemplo ta Technica Antillana cual ta bao gia di senjor Van der Horn y di cual Cempro tin cincuenta y un porciento y Stokvis concern di Hulanda tin cuarenta y nueve porciento. Tambe e empresa aki tin e subagencia di Ahrend pa muebles di oficina y school. Un agencia cu senjor Van der Horn ta pensando di hacie activo tambe ta esun di Goodrich Tires pues den e edificio nobo na Boulevard ta mas facil pa realiza diferente plannan.


Tur productionan y otro asuntunan tin mas lugar di deposita y regia y gracias na e showroom por worde presenta mas facil na publico.

Rond di e tereno di 12,500 meter tin un muraya halto. Ariba e muraya tin e glasnan kibra. Tocante di esaki un comentarista di television ultimamente a bisa algun cos menos bunita. Segun esaki tal cos mester por duna turista nan un impresion di no ta "welcome." Si e critico aki a dirigi su mes na senjor Van der Horn lo e tambe a sabi pakiko e glasnan ta ey riba. Senjor Van der Horn a splica cu nan no tey pa spanta e hendenan cu lo tin intencion di horta blokki of algo asina.

"Si nan horta cien blokki nan no a bai cu mas cu trenta florin y mi ta sigurabo cu esun cu kier horta cien blokki lo tin di haci un trabao masha pisa pa carga esakinan." Segun Senjor Van der Horn, kende en absoluto no ta mira probecho den horta-mento di blokki, e glasnan na promer lugar a worde poni ey-



Aki e trahadornan di Cempro ta produciendo blokinan cu un machin di blokki Mericano cual poco dia pasa a worde instala den e empresa. Adilanti nos ta mira e blokinan cual a caba di worde traha.



Den e edificio nobo na boulevard na Eagle Technica Antillana un hermana empresa di Cempro tin un bunita show room.

nan pa mantene y tene e muchanan di becindario afor. Si e muchanan aki hanja chens di drenta e lugar y por ehemplo bai mishi cu e machinnan, acciden-tenan horrible por sosode, sin pa-pia di e danjo na e machinnan mes pa pesei e glasnan tey. Asina Cempro ta sigui extende

Blokki Mosalcos Technica Antillana. Pronto un deposito grandi io worde traha ariba e tereno mientras cu e intencion ta pa drento di corto tempo haci e sorteo di productionan di beton mas grandi. Cempro ta na e momento den full swing.



Director J. van der Horn di Cempro (den su oficina nobo hunto cu su secretaria senjora Gloria Carlo).

Curazolenonan a celebra dia di Corsow contento

San Nicolas, 27 di Julio, -- Den Lago Heightsclub e colonia curazolenjo na Aruba diasabra curazolenjo a celebra dia di Corsow. E club tabata completamente yen y ora cu solo ya a cuminsa manda su promer rayonan over di nos isla ainda tabatin algun fiestador Hopi a duna nan cooperacion na e programa.

Palabra a worde dirigi door di minister Petronia y Senjor van Vuurden.

Den e sala grandi di Lago Heights Club, e fiesta a cuminsa cu tocamiento na piano di Wilhelmus y e hymno di Corsow door di senjor De Lannoy. Despues tabata e presidente di e comunidad curazolenjo, Sr. A.P. van Vuurden kende a dirigi palabra di bienvenida, mostrando tambe ariba e echo cu ya ta di diesseis blaha cu e ta presidente di e comite di fiesta. Ministro Petronia a accentua den su discurso especialmente e unidad entre e curazolenjonan, Antillanonan y entre e paisnan democratico. Tambe ministro a conmemora cu ta

e curazolenjonan cu hopi tempo tabata biba na Aruba a funda dia di Corsow y ta celebre.

Despues di e discurso aki a sigui un programa largo cultural.

Entre otro tabatin presentacion di Anastacia Larmonie na piano y Jewel Romneny cantando. Despues declamacion di Srta. Ponson y canto di Sra. Frankia, acompaña pa un duo cu guitarra, "Los Latinos" mas laat den anochi e presentenan entre cual, ministro Lopez Beaujon, presidente interino di Staten, Osbaldo Croes domine Jennings Martin di Iglesia Metodista, Mr. Frank Hartong, inspector L. T. Hart y e consul Dominicano Octavio Castillo Herrera, a presencia e actuacion, sigui pa senjor Eduardo Curet cu a duna poesia tocante Corsow cual ta di su propio inspiracion. Despues di canto di Senjora Fior Arend a sigui e presentacion di e poeta Ellis Juliana. Como cu Padu del Caribe no a presenta Srta. Vieura a presenta algun cancion.



Diasabra anochi a tuma lugar den Tivoli Club na Oranjestad, instalacion di Srta. Helen Croes como Miss Tivoli 1964/1965. Manera tradicion comandante di Mariniers Kazerne na Savaneta a haci e acto oficial di instalacion door di corona Helen Croes y manera cus-tumber tambe e majoor G.J. Ballieux a para e blaha aki cu su lomba pa publico y fotografo. Ariba e foto nos ta mira den centro Srta. Croes na e momento cu el a caba di worde corona majoor Ballieux.